



Servizo de reprografía, edición e impresión dixital da USC



V CARREIRA UNIVERSITARIA SOLIDARIA CAMPUS NA NUBE - RUN4MED

O concesionario do Servizo de Reprografía, Edición e Impresión dixital, **Campus na Nube, S.L.**, da Universidade de Santiago de Compostela e a asociación de alumnos da USC **Run4Med**, en colaboración coa Universidade de Santiago de Compostela, a Fundación USC Deportiva e a Federación Galega de Atletismo, organizan o **XOVES 11 DE ABRIL DE 2019**, na zona do Campus Sur da Universidade de Santiago de Compostela a **V Carreira Universitaria Solidaria, (Campus na Nube - RunForMed)**, coa finalidade **de recadar fondos que axuden a "ASOCIACIÓN DE FAMILIARES E AMIGOS DE ENFERMOS MENTAIS, FONTE DA VIRXE"**.

Esta Asociación traballa coa finalidade de promover a recuperación dos enfermos mentais, a súa integración social, a mellora da asistencia e a súa calidade de vida, así como a defensa dos seus intereses e dereitos. A Asociación pretende, por unha banda, cubrir o baleiro existente de protección deste colectivo, promovendo e potenciando iniciativas que favorezan a súa integración laboral e social.

Toda a información sobre esta asociación podédelo consultar na web <http://www.fonedavirxe.org>.

As probas estarán suxeitas ao seguinte:

REGLAMENTO

Nesta esta carreira poderán participar tanto atletas federados como NON federados das categorías de SUB 16 e superiores (2005 e anteriores).

LUGAR DE SAIDA, HORA E DISTANCIA DAS PROBAS

Todas as categorías sairán ás **19:30 horas da Avenida Antonio R. Ibáñez**, a carón das Pistas de Tenis da Universidade de Santiago, e o punto de chegada será no interior do Estadio de Atletismo da Universidade de Santiago de Compostela, onde se habilitará un servizo de duchas e vestiarios para todos os participantes.

A carreira constará de 2 voltas a un circuito para sumar un total de **5,5 km** aproximadamente. A primeira volta serán 2,4 km e a segunda 3,1 km aprox.

CATEGORIAS DE PARTICIPACIÓN

Estableceranse as seguintes categorías na proba:

- ✓ **SUB 16** nados/as no 2004 e 2005
- ✓ **SUB 18** nados/as no 2002 e 2003
- ✓ **SUB 20** nados/as no 2000 e 2001
- ✓ **SUB 23** nados/as no 1997, 1998 e 1999
- ✓ **SENIOR** nados/as entre 1985 e 1996
- ✓ **MÁSTER 1** nados/as entre 1975 e 1984
- ✓ **MÁSTER 2** nados/as entre 1965 e 1974
- ✓ **MÁSTER 3** nados/as en 1964 e anteriores

INSCRICIÓN

As inscricións en todas as categorías faranse:

On-line, na páxina web da Federación Galega de Atletismo www.carreirasgalegas.com . Tamén poderán acceder á mesma a través das webs www.atletismo.gal . O prazo de inscrición permanecerá aberto ata o **luns 8 de abril ás 23:59 horas**. Deberán rellenar o formulario de datos presente nesta web e realizar o pago da inscrición pola mesma web.

Presencial, en todos os locais de Campus na Nube ubicados nas Facultades de Farmacia, Dereito, Psicoloxía, Medicina, Filoloxía, e Económicas con prazo límite o **luns 8 de abril as 19:00 horas**.

Dado o carácter solidario da proba en beneficio da asociación mencionada, as inscricións terán un **donativo de 5 euros + 3 euros de gastos de organización**. O citado donativo irá dirixido íntegramente a **ASOCIACIÓN DE FAMILIARES E AMIGOS DE ENFERMOS MENTAIS FONTE DA VIRXE** e será entregado públicamente ao remate da proba na zona de entrega de premios ubicada no Estadio de atletismo da **Universidade de Santiago de Compostela**.

Aquelas persoas que non poidan participar na proba e desexen colaborar altruistamente con esta causa, poderán facer as súas donacións no **DORSAL 0** da inscrición on-line.

RECOLLIDA DE DORSAIS

Os dorsais recolleranse a partir do mércores día 10 de abril no local de **Campus na Nube** na Praza do Seminario de estudos galegos, a carón da Facultade de Farmacia en horario de 08:30 a 19:30 horas, e ate unha hora antes da saída da proba (11 de abril as 19:30 horas.). Recoméndase chegar con suficiente tempo de antelación para evitar colas de última hora.

Habilitarase un servizo de guardarroupa o día da proba, nas instalacións de Campus na nube para todos aqueles participantes que desexen deixar as súas pertencencias e nas propias instalacións das pistas de atletismo da Universidade de Santiago de Compostela.

DESCALIFICACIÓNS

Toda persoa que incumpra as normas da competición ou as reflexadas nos regulamentos das probas en ruta pola **FGA** e **RFEA** será descalificada a criterio do xuíz/a árbitro/a da competición.

CONTROL DAS PROBAS

O cronometraxe e control técnico das probas correrá a cargo do Comité Galego de Xuices da Federación Galega de Atletismo que colabora altruistamente con esta causa. Empregarase un sistema de CHIP-DORSAL para o cronometraxe da proba.

PREMIOS

Ao finalizar as probas farase a entrega dos premios e agasallos das empresas e entidades colaboradoras.

PREMIOS e AGASALLOS

- **TROFEO** os 3 primeiros clasificados das categorías establecidas no presente regulamento así como os / as 3 primeiros / as da clasificación xeral da proba absoluta.

OUTRAS DISPOSICIÓNS

Non está permitido o acompañamento na proba de ningún vehículo alleo á organización; nin bicicletas, patíns ou persoas non inscritas na proba que poidan acompañar, avituallar ou marcar ritmos aos participantes.

ASISTENCIA MÉDICA: A organización contará con servizos médicos e ambulancia na zona de saída/meta. Os servizos médicos e o xuíz árbitro da competición están facultados para retirar da carreira a calquera participante que manifeste un mal estado físico durante o desenvolvemento da mesma.

SEGURO: Todos os participantes estarán amparados por unha póliza de Responsabilidade Civil e accidentes deportivos, que cubrirá os accidentes que se produzan como consecuencia directa do desenvolvemento da proba. Quedan excluídos os casos derivados dun padecimento latente, imprudencia ou inobservancia das leis, da normativa da competición, etc. Tamén quedan excluídos os casos producidos polo desprazamento ao lugar da competición ou desde o mesmo. A inscrición implica ler, entender e adquirir o compromiso que a continuación se expón: Certifico que estou en bo estado físico. Eximo de toda responsabilidade que da participación no evento puidese derivarse, á organización, patrocinadores comerciais

ou sponsors, empregados e demais organizadores. Coa realización da inscrición, todo participante cede os seus dereitos de imaxe á organización, que utilizará as imaxes de acordo coa Lei de Protección de Datos.

ACEPTACIÓN DO REGULAMENTO: Todos os participantes, polo feito de inscribirse e tomar a saída na carreira, aceptan o presente regulamento, e no caso de dúbida ou de xurdir alguna situación non prevista no mesmo, resolverase de acordo ao que dispoña o Comité Organizador e polas normas da FGA, RFEA e IAAF en vigor.

LOPD: Todos os corredores/as ó realizar a inscrición aceptan a publicación do seu nome e imaxe nas clasificacións, medios de comunicación e/ou internet.

NOTA: Esta proba pertence ao Calendario Oficial da FGA e mediante a súa inscrición o corredor consente expresamente que os seus datos básicos sexan cedidos a esta entidade para a tramitación, ante a compañía de seguros, dos seguros obrigatorios de accidentes e Responsabilidade Civil así como a xestión da licenza de día de ranking popular e probas de ruta. En todo caso e tal como establece a lei de Protección de Datos, o interesado pode exercer no futuro os seus dereitos de acceso, rectificación, cancelación e oposición mediante escrito ou correo electrónico á Federación Galega de Atletismo. Avda. de Glasgow 13 15008 A Coruña.

PLANO DAS PROBAS

